


*Pour meſſire Arnould de Villeneufue Cheualier ſieur & Baron des Arcz.
deſendeur.*

*Contre Gerad du Pont ſieur de Plagnac, Curateur és cauſes de meſſire
Iehan Federic de Foix Comte de Gurſon, demandeur en execution d'arreſt.*

IL y a eu pluſieurs grands procez au Conſeil. Entre
deſuict Antoine de Villeneufue ayeul du deſendeur,
d'une part: Et dame Anne de Villeneufue Vicom-
teſſe de Maille, biſayeulle du demandeur, d'autre.
Procedans des ſubſtitutions portees par les teſta-
mens d'Arnault de Villeneufue, dict le grand: Giraud & Hellion
de Villeneufue. Leſquels procez apres longues pourſuittes, ont
cy deuant eſté terminees & iugees par arreſts du Conſeil, dès an-
nees 1550. 1553. 1558. 1559. & 1574. Par leſquels la baronnie des
Arcz, Taradel, & moiſtié de Vitaubam, ont eſté adiugees aux
predeceſſeurs du deſendeur, comme eſtans des biens ſubiects à la
reſtitution: & la legitime adiugee à ladite Anne. Sus leſdits biens
feult compenſee avec partie des alienations faiçtes par Arnaudet
& Loys de Villeneufue ayeul & pere d'icelle Anne.

Nonobſtant leſdits arreſts donnez avec trefgrande congnoiſſa-
ce de cauſe. Deſuncte dame Margueritte de Bertrand, ayeulle &
turice dudit ſieur Comte de Gurſon, demandeur: croyant (ainſi
qu'il eſt vrayſemblable) que le deſendeur euſt perdu (comme il
a fait) la pluſpart de ces pieces, tiltres & enſeignemens, ſur leſquels
leſdits arreſts auoient eſté donnez. Et que par ce moyen, ne pour-
roit defendre, ny inſtruire ſon Conſeil des choſes, qui ſe ſont paſ-
ſees durant le temps de ſes predeceſſeurs. Auroit renouuelé tous
leſdits differás, & fait donner assignation audit deſendeur par de-
uant le Conſeil, pour eſtre miſe en poſſeſſion deſdites terres, de la
baronnie des Arcz Taradel Vitauban & Serenon, & tant procedé
que par arreſt donné le detnier iour de Septembre 1600. prononcé
le 20. Feurier, annee preſente 1604. Auroit eſté ordonné, confor-
mement audit arreſt de l'an 1558. Que ladite de Bertrand audit
nom ſeroit miſe en poſſeſſion de Laffar Grange pres Iardins, & au-
tres choſes y ſpecifices aſſis au terrouer dudit Taradel acquiſes par
ledit Arnaudet de Villeneufue, deſheritiers de Hugues Almerat.

Et outre en la poſſeſſion & iouiſſance de la legitime, & quarte
trebellianique dudit Arnaudet, en la moiſtié de ladite moiſtié de



Vitauban, escheut audit Helion de Villeneuve, à cause dallayete de Villeneuve & distraite au profit de Gaspard de Villeneuve, par arrest du 5. Iuillet 1574. & condamné le defendeur rendre les fruits par luy pris & perceuz depuis contestation en cause, & du surplus de ladite demande, pour la baronnie des Arcz, Serenon & autres parties de Vitauban, en auroit absous le defendeur.

En execution de cest arrest, Gerard Dupont curateur en cause dudit sieur Comte de Gursou demandeur, auroit baillé sa demande: par laquelle requiert estre mis en possession verbale réelle & corporelle de l'assar Granges pres Iardins, & autres choses acquises au terrouer dudit Taradel par ledit Arnaudet des heritiers de Hugues Almerat.

Requiert aussi estre mis en mesme possession de la moitié par indius de ladite terre de Vitauban.

Ensemble requiert l'adiudication des fruits, escheuz & a eschoir depuis le iour de la contestation, qu'il presuppõe avoir esté depuis les arrests donnez au parlement de Tholoze, es années 1571. 72. & 73.

Quand au premier concernant l'Assar, Granges pres Iardins le defendeur persiste en la declaration, par luy faicte, qu'il ne tient ny possède. *Nec dolo desit possidere*. Aucune des choses acquises par ledit Arnaudet, audit terrouer de Tharadel des heritiers d'Hugues Almerat. Et n'empesche, que le demandeur se pouruoye, si bon luy semble, contre les possesseurs.

N'est sous correction à propos, ce que le demandeur auance, que ledit defendeur doit luy indiquer lesdites acquisitions: & que à faulte de ce faire, il doit estre condamné à luy deliurer la moitié de la terre de Taradel. Employât la *l. nomen §. portionis de reb. signiff.*

D'autant que le defendeur est fondé en titre vniuersel, de tous & chacuns les biens qui ont appartenu ausdits Arnaud Giraud & Helion. Lesquels biens luy ont esté adiugez: au nombre desquels biens est ladite terre de Taradel. De maniere que ladite Anne ayant fait apparoir de certain contract d'acqesition desdits Assar pres & autres choses au terrouer de Taradel faicte par ledit Arnaudet, des heritiers d'Almerat, denombrement par iceluy Arnaudet, fait au Comte de Prouence. Le Conseil luy adiugea des lors par arrest de l'an 1558. comme il a fait à present par l'arrest, de l'execution duquel est question. Mais par lesdits arrests ne luy est adiugé aucune part ny portion dudit Taradel. Cest pourquoy la decision. *In d. §. portionis*. n'est considerable en ce faict.

Et cest au demandeur qui veult pretendre certains heritages

assis au terrouer de Taradel, acquis par ledit Arnaudet, hors du fides commis, monstrier au doigt & à l'œil les choses qui luy ont esté adiugees. Veu que *ei qui dicit incumbit onus probandi, & is qui dicit se talem aut rem talem petit tenetur probare qualitatem l.cum te matrem de prob.l. cum actum de neg. gest.*

Ioint qu'il est certain. *Bona presumi antiqua & patrimonialia. Nisi contrarium prebetur l. siue possidetis C. de probat. & ibi omnes scribentes, & in l. 1. de bonus mater. inde est quod feudum numquam presumitur, nouum sed antiquum. Et qui dicit feudum esse nouum, debet probare nouitatem frudi.* Partant c'est au demandeur qui auance auoir esté faictes d'acquisitions au terrouer de Taradel par ledit Arnaudet de les monstrier & en faire apparoir.

En second lieu, le demandeur requiert par sa demande estre mis en possession verballe, reelles & corporelle, de la moitié de la terre de Vitauban par indiuis, pour la legitime & trebellianique qui luy a esté adiugee en la moitié dudit Vitauban.

A quoy on a respondu, que la legitime & quarte trebellianique en la moitié de Vitauban, distraitte au profit de Gaspar de Ville-neusue, pere du defendeur. Par arrest du 5. Iuillet 1574. n'est que la moitié de la moitié, & partant le quart dudit Vitauban. Les paroles de l'arrest sont claires & ne reçoient aucune difficulté.

Reste à voir si le defendeur est receuable à compenser les biens subiets à restitution alienez par ledit Arnaudet Loys & Anne avec la quatriesme portion de Vitauban adiugee audit demandeur.

Il est certain. *ea que sunt Annalia ad agendum esse perpetua ad excipien- dum.* C'est pourquoy le defendeur seroit non receuable, s'il faisoit demande desdites terres de Callian, Montauroux & autres aux tenants & possesseurs d'icelles. Mais venant *per modum exceptionis aut compensationis*, Contre le defendeur. Ny a doubte quelconque qu'il n'y soit receuable.

Or par les pieces produites par le defendeur, deux choses sont suffisamment iustifiees

La premiere, Que lesdites terres de Callian Montauroux la Motte, Valbournes, Empus & Lâgeres, s'ont des biens du fideicomis.

La deuxiesme, que lesdites terres, ont esté alienees, sçauoir Callian & Montauroux par ledit Arnaudet. La Motte & Valbournes par ledit Loys & Lâgeres & Empus par ladite Anne. Et bien que lesdites terres, de la Motte Valbournes, Empus & Lâgeres eussent esté alienees pour vn droit de legitime. Si est ce qu'aparoissant à present, que lesdites legitimes seront retranchees au moins

4

de la moitié, pour autant qu'en la liquidation d'icelles legitimes, on y auoit compris les Arcz, Taradel & Vitauban qui ont esté declares n'estre des biens dudit Arnaudet, Mesme par larrest, de l'execution duquel est question; tel retranchement qui sera au moins de la moitié, appartient au defendeur, comme ayant cause des substituez ausdits biens, partant est receuable à les compenser.

Par consequence necessaire, donc ladite quatriesme part dudit Vitauban adiugee audit demãdeur, doit estre compensee proportionablement avec lesdites terres du fideicomis alienees comme dit est, sans qu'il faille auoir esgard à ce que le demandeur dit, le Conseil auoir par l'arrest de l'an 1559. imputé sur la legitime deuë à ladite Anne, non seulement les terres mentionnees audit arrest, mais generalement toutes autres qui auoyent esté alienees.

Car il est notoire. *res indicatas esse stricti iuris, & non extendi ultra ea que sunt specificata.*

Or par iceluy arrest, les terres avec lesquelles compensation a esté ordonnee, sont specifiees: Dont lesdites terres de Callian Moutauroux Ampus, Lagneros, la Mote & Valborges, ny estant ny nommees ny exprimees, ne peuuent estre entrees en compensation, & peult le defendeur les compenser à present.

Et bien que par ledit arrest soit porté, que le defendeur ne pourra faire aucune demande à ladite Anne, pour raison desdites alienations. Ce mot d'alienations se rapporte aux chasteaux & terres de la Perusse Barras, Tournefort, & le lieu appellé Cáp de Blacas, nommees & specifiees audit arrest. Par lequel, si le Conseil eust entendu priuer & forclorre le demandeur ou Anthoine son ayeul, de faire demandes d'autres terres alienees, subietes à restitution: l'auroient exprimé & prononcé; Qu'à l'aduenir, ledit Anthoine, qui est en l'arrest en qualité d'appellant, ne pourroit faire demande d'aucunes alienations des biens substituez.

En ce qui est des fruits adiugez, la contestatiõ ne peut estre prise ny estimee, que dez le iour que les parties ont cõtesté au Conseil, & que par arrest fust ordonné: Que le demandeur bailleroit sa demande, & non depuis les arrests donnez au parlement de Tolose veu qu'ils ont esté cassez.

Daillieurs, le defendeur pretend, que non seulement la 4. portion de Vitauban doit estre compensee avec lesdites alienations des biens substituez, voire encores les fruidtz adiugez, avec les fruidtz que le defendeur eust pris & perceuz és biens du fideicommiss alienez, si alienation n'eust esté faicte.

